


TEMA 2 : TUMBUHAN HERBA

UNIT 4: TAMAN HERBA



LATIHAN 1:

Baca petikan di bawah dan jawab soalan yang diberikan.

UNIT 4 TAMAN HERBA

Mendengar dan Bertutur
Bina soalan berdasarkan maklumat di bawah.

Mari Menanam

2 Cikgu Dali dan murid-muridnya hendak membina taman herba.

membina taman herba

tayar terpakai tumbuhan herba tanah campuran

Apakah yang perlu kita lakukan dahulu, cikgu?

Mula-mula, kita bentukkan tayar ini supaya menjadi menarik dan kemas. Selepas itu, masukkan tanah campuran dan letakkannya di tempat yang teduh. Kemudian, tanam tumbuhan herba yang sesuai. Kita perlu menyiramnya setiap hari.

pokok kari pokok kunyit

1.	Berdasarkan petikan, nyatakan 3 cara membina taman herba
	a)
	b)
	c)
2.	Sebutkan 3 pokok herba yang terdapat di sekitar kawasan sekolah kamu
	a)
	b)
	c)

LATIHAN 2:

Baca petikan di bawah dan jawab soalan yang diberikan.



Membaca

Baca kemudian fahami petikan di bawah.

Jom ke Pameran

“Siapakah yang hendak ikut cikgu pergi ke pameran agro?” tanya Cikgu Dali sewaktu mengajar di dalam kelas.

“Apakah pameran agro, cikgu?” Samson bertanya sambil mengangkat tangan kanannya.

“Pameran agro mempamerkan produk keluaran petani, nelayan dan peniaga,” jelas Cikgu Dali.

“Selain itu, apakah lagi yang dipamerkan, cikgu?” Morgan pula bertanya.

Cikgu Dali menerangkan bahawa di situ dipamerkan kejayaan tentang penyelidikan pertanian, perikanan dan perniagaan.

“Cikgu, di pameran itu ada jualan produk makanan?” tanya Chin Fei, ingin tahu.

Cikgu Dali segera menjawab, “Mestilah ada. Bukan sahaja jualan makanan, tetapi ada juga jualan anak benih, biji benih dan juga anak pokok.”

Samson mencadangkan supaya mereka membeli anak benih dan anak pokok untuk ditanam di taman herba sekolah.

Morgan bersetuju, “Bagus juga cadangan awak, saya setuju.”

“Saya juga setuju,” kata Chin Fei.

“Baiklah. Jika begitu, mari kita hebahkan hal ini kepada kawan-kawan yang lain,” kata Cikgu Dali.

PAMERAN AGRO
PERINGKAT NEGERI
SELANGOR

TEMPAT
DEWAN MALAWATI,
KUALA SELANGOR

TARIKH
9 HINGGA 11 MAC 2014

MASA
8:00 PAGI
HINGGA 6:00 PETANG

SEBARANG PERTANYAAN
BOLEH DIAJUKAN KEPADA:
ENCIK SALLEH BIN DAUD
017-23244567
ENCIK HASSAN BIN OMAR
014-44534333

**MASUK
PERCUMA**

1.	Dimanakah pameran tersebut diadakan?
2.	Apakah aktiviti yang terdapat di pameran tersebut?
	a)
	b)
	c)
3.	Nyatakan nama penuh bagi pameran tersebut
4.	Bilakah waktu pameran itu beroperasi?

LATIHAN 3:

Isi tempat kosong dengan jawapan yang betul

Lengkapkan ayat dengan frasa nama dan frasa kerja yang betul.

Taman Herba Sekolahku

Guru-guru dan murid-murid Sekolah Menengah Kebangsaan Indah Jaya mengadakan projek taman herba. Mereka bergotong-royong untuk menjayakan projek tersebut.

anak pokok

mencangkul tanah

daun kelapa

menabur baja



1. Fatin _____ di taman herba.



2. Fatin memindahkan _____ ke tempat tanaman.



3. Cikgu Najah _____ pada anak pokok yang telah dipindahkan.



4. Biji benih ditutup dengan _____.

LATIHAN 4:

Isi tempat kosong dengan jawapan yang betul

berbau wangi

melalui akar

bunga rampai

di pangkal

tanaman berperdu

adat istiadat



Nama saintifik daun pandan ialah *Pandanus odoratus* dan dikenali hampir di seluruh negara di Asia Tenggara. Daun pandan turut digunakan untuk menambah rasa dalam pelbagai jenis masakan dan kuih-muih.

Pandan ialah sejenis _____. Daun pandan tebal, sedikit lebar, panjang meruncing dan tajam di hujung. Daunnya berwarna hijau tua _____ dan hijau muda di hujung. Pokok pandan boleh membiak _____ dan anak pokok. Daun pandan _____ dan boleh dijadikan pewangi, pewarna dan perasa makanan.

Masyarakat di Malaysia juga menggunakan daun pandan untuk dijadikan _____. Bunga rampai digunakan dalam beberapa majlis dan _____ dalam kalangan masyarakat Melayu seperti majlis perkahwinan, pertunangan dan berendoi.

(Diubah suai daripada animhosnan.blogspot.my/2011/10/pandan.html)